

## Disiplin diri tinggi jayakan normal baharu

**Perintah** Kawalan Pergerakan (PKP) dikuatkuasakan bersandar Akta Pencegahan dan Pengawalan Penyakit Berjangkit 1988 dan Akta Pollis 1967. Ketika ini negara memasuki fasa kedua dikenali Perintah Kawalan Pergerakan Bersyarat (PKPB).

PKP secara umumnya mengandungi enam larangan seperti dijelaskan laman web Majlis Keselamatan Negara (MKN) untuk mengawal jangkitan.

Hasil pelaksanaan PKP rakyat mula mengubah suai gaya kehidupan seharian dan pekerjaan masing-masing berdasarkan normal baharu mengikut keperluan dan situasi mereka.

Dalam keharangkalian penghasilan vaksin COVID-19 dijangka dapat disiapkan pada tahun ini atau awal tahun depan, maka kita masih perlu mengamalkan langkah berjaga-jaga yang diamalkan sekarang sehingga suatu tempoh yang agak panjang.

Motifnya supaya penularan COVID-19 tidak meningkat semula memandang wabak ini bersifat global dalam keadaan vaksin belum ditemui.

Antara normal baharu dan lama yang sering diperkatakan, pasti mengubah suai gaya kehidupan seharian sebagai satu tanggungjawab sosial, termasuk prosedur pekerjaan di tempat kerja mengikut kreativiti, keperluan dan muafakat sesama komuniti dan rakan sekerja.

Sama-samalah kita berdisiplin amalkan penjarakan sosial, kebersihan diri, elak berada di tempat orang ramai, duduk di rumah jika tidak sihat.

Pihak majikan pula perlu lebih terbuka melaksanakan jadual kerja anjal. Dalam situasi sekiranya gantian boleh mempertimbangkan pilihan sistem kerja gantian selepas wabak pulih bagi mengelak pilihan membuang pekerja yang menyumbang jasa dan tenaga sebelum COVID-19.

Sama-samalah kita berjuang menghadapi penularan wabak berbahaya ini sebagai pejuang 'barisan hadapan' untuk agama, bangsa, negara dan dunia global.

Antara normal baharu dan norma lama, kita perlu kepada disiplin diri tinggi sebagai satu tanggungjawab sosial bagi membanding penularan wabak ini.

**Prof Madya Dr Muhammad**

**Sabri Sahri,**

Kulliyah Pendidikan Universiti Islam Antarabangsa Malaysia (UIAM)

## Minda Pembaca

# Akta lapuk sukarkan usaha jaga alam sekitar

**Dalam** titah diraja sempena pembukaan penggal ketiga Parlimen ke-14, Yang di-Pertuan Agong menyetujui pelbagai hal membabitkan kepentingan rakyat, termasuk isu alam sekitar.

Antara perkara dititah adalah kesan kemerosotan kualiti alam, keperluan menggiatkan usaha pemuliharaan, pengurangan intensiti pelepasan karbon, pemerkasaan undang-undang dan penguatkuasaan serta kepentingan kerjasama.

Keprihatinan tinggi Al-Sultan Abdullah Ri'ayatuddin Al-Mustafa Billah Shah terhadap alam sekitar seharusnya membuka mata semua pihak mengenai kewajipan melindungi persekitaran dan sumber semula jadi melalui komitmen berterusan.

Dalam situasi sekarang, ancaman kerosakan alam sekitar dan perubahan iklim banyak menyedarkan kita mengenai keutamaan melindungi alam dan keperluan memerangi kemudaratan.

Namun, mustahak bagi ke-

edaran itu diterjemah kepada pelaksanaan. Impian je arah kesejahteraan alam sekitar tidak dapat dicapai jika tidak digerakkan dengan tindakan efektif berasaskan sistem menyeluruh.

Permasalahan alam sekitar di Malaysia adalah kompleks kerana merangkumi hampir semua medium termasuk udara, air, marin, flora dan fauna serta membabitkan pelbagai aktiviti manusia seperti perindustrian, pengangkutan, pertanian, pembakaran bahan api fosil dan pembuangan sampah.

Jalan penyelesaian mesti dibentuk melalui rangka kerja komprehensif yang merangkumi dasar, perundangan dan penguatkuasaan. Buat masa ini Malaysia sudah mempunyai undang-undang relevan seperti Akta Kualiti Alam Sekeliling, Akta Perhutanan Negara, Akta Pemuliharaan Hidupan Liar dan Akta Tenaga Boleh Baharu.

Namun, ada antara akta ini sudah lapuk dan perlu dikaji agar

lebih perkas dan bersesuaian dengan situasi terkini. Contohnya, jumlah penalti dikenakan Akta Kualiti Alam Sekeliling kepada sesiapa mencemari sungai atau udara, iaitu tidak melebihi RM100,000 dianggap terlalu rendah bagi mengesahkan pencemaran.

Amat perlu akta ini disemak supaya hukuman lebih berat dikenakan terhadap pihak terbabit. Peruntukan dalam Akta Pemuliharaan Hidupan Liar pula tidak merangkumi perbuatan mengkilan atau menjual beli haiwan eksotik dalam talian yang sangat berleluasa sekarang. Ini menyebabkan haiwan terlindung dieksplotasi sewenang-wenangnya.

Akta Tenaga Boleh Baharu yang mengandungi teknologi hijau pula perlu ditambah baik agar selaras komitmen negara terhadap perubahan iklim.

Selain undang-undang tegas, penguatkuasaan berkesan juga penting. Oleh itu, faktor yang boleh memberi impak kepada keberkesanan pelaksanaan seperti

keupayaan institusi dan tenaga kerja, keperluan koordinasi, serta kecukupan aset dan peralatan perlu dipertimbangkan.

Walaupun tanggungjawab penguatkuasaan diletakkan di bawah pelbagai agensi, keberkesanan undang-undang sangat bergantung kepada sokongan masyarakat. Orang awam aset terbaik dalam menegakkan peraturan kerana mereka mempunyai pengetahuan mendalam mengenai keadaan alam sekitar di kawasan masing-masing dan dapat menjadi sumber maklumat terpenting dalam pemantauan pematuhan undang-undang.

Seharusnya titah Yang di-Pertuan Agong perlu dipandang serius dan dilaksanakan semua pihak sebagai bukti komitmen kita terhadap alam sekitar yang lestari.

**Prof Madya Dr Maizatun Mustafa,**  
Pensyarah Undang-Undang  
Alam Sekitar Universiti Islam  
Antarabangsa Malaysia

## Usah ganggu 'perang' lawan COVID-19

**Ketika** perang menentang COVID-19 masih berterusan, muncul kembali terma 'usul percaya' dan 'usul tidak percaya' menjelang persidangan Dewan Rakyat pada 18 Mei ini.

Satu usul dikemukakan Ahli Parlimen Semporna, Datuk Seri Mohd Shafie Apdal yang juga Presiden Parti Warisan Sabah, mendakwa Tun Dr Mahathir Mohamad mempunyai sokongan majoriti Ahli Dewan Rakyat untuk menjadi Perdana Menteri.

Namun usul itu ditolak Speaker Dewan Rakyat, berikutan penjelasan tidak selari Perkara 43 Perlembagaan Persekutuan kerana mempertikal kuasa Yang di-Pertuan Agong dalam urusan jawatan Perdana Menteri.

Kemudian, Ahli Parlimen Langkawi, Tun Dr Mahathir Mohamad pula mengemukakan usul undi tidak percaya terhadap Perdana Menteri, Tan Sri Muhyiddin Yassin. Usul dikemukakan di bawah Peraturan Mesyuarat 26(1) dibaca bersama Peraturan Mesyuarat 27(3) itu diterima Speaker Dewan Rakyat.

Isu usul percaya atau tidak bukan persoalan ketika ini. Persoalannya adakah tindakan itu wajar dilakukan ketika negara masih dibelenggu krisis lebih besar berbanding siapa yang lebih la-



**Semua Ahli Parlimen perlu bersama** kepimpinan negara memerangi wabak COVID-19.

(Foto hiasan)

perubahan kerajaan.

Adakah rakyat peduli siapa pun jadi Perdana Menteri andai ancaman COVID-19 menjadi-jadi semula akibat ketamakan kuasa orang politik yang lebih pentingkan diri sendiri?

Bagaimana pula dengan dasar ekonomi andai kerajaan tidak stabil akibat gangguan yang tidak perlu, sedangkan usaha terbaik perlu digerakkan bagi memulihkan ekonomi yang terjejas akibat COVID-19.

Dalam menghadapi krisis, keputusan penting berkaitan dasar atau apa sahaja yang perlu harus dibuat secepat mungkin, tidak boleh dibebankan kepada pegawai kerajaan atau bertawakal

mengharapkan keajaiban.

Cuban pihak tertentu mahu menyingkirkan Perdana Menteri melalui usul di Dewan Rakyat adalah tindakan pentingkan diri sendiri.

Apakah dikehendaki tindakan sebegini boleh menyebabkan Parlimen tergantung dan mungkin memaksa pilihan raya umum diadakan lagi walaupun baru dua tahun rakyat mengundi.

Andai itu berlaku, apa jadi kepada rakyat? Buat masa ini, cubalah bermuafakat dan kasihanilah rakyat.

mengharapkan keajaiban.

Cuban pihak tertentu mahu menyingkirkan Perdana Menteri melalui usul di Dewan Rakyat adalah tindakan pentingkan diri sendiri.

Apakah dikehendaki tindakan sebegini boleh menyebabkan Parlimen tergantung dan mungkin memaksa pilihan raya umum diadakan lagi walaupun baru dua tahun rakyat mengundi.

Andai itu berlaku, apa jadi kepada rakyat? Buat masa ini, cubalah bermuafakat dan kasihanilah rakyat.

**Mohd Hisham Malek,**  
Kuala Selangor

Pembaca yang ingin berkongsi pandangan dan membuat aduan boleh e-mel ke [bhforum@bh.com.my](mailto:bhforum@bh.com.my)